

國朝詞綜續編

國朝詞綜續編卷三

吳縣 潘介繁 襄校

仁和 徐慶銓 編次

海鹽 黃燮清 編纂
平湖 張炳堃 增訂

錢塘 諸可寶 校勘

永康 胡鳳丹 監刊

顧澍 二首

姜景華 一首

秦恩復 一首

沈振鸞 四首

孔憲堃 一首

詹應甲 二首

舒位 二首

阮元 二首

石韞玉 二首

張師誠 二首

洪梧一首

許新一首

錢師曾一首

陳新一首

左輔一首

戴敦元五首

孫錫一首

葉紹桂三首

余尙德一首

邵源二首

劉汝完一首

瞿紹堅一首

蔣慶增一首

程寬一首

朱鑑一首

沈蓮生六首

李澧一首

朱步沆一首

姜安一首

李汝章一首

楊大章一首

徐豫明一首

荆鳴昌 一首

邵豐城 二首

陳孟周 一首

顧

澍 字件檠錢塘人乾隆五十一年舉人官蘄州知州有金粟影庵詞初稿一卷二稿一卷

南柯子

題畫蘭便面

媚極思徧淡香濃意自溫迎風一笑靜無痕只許珊瑚引出麗娟魂作態低垂葉忘情淺露根攜卿重訪趙王孫好與水仙同伴月黃昏

菩薩蠻

荷軒度曲

芭蕉雨過秋雲綠鳴箏低按伊涼曲殘暑退池塘白蓮花正香殷勤重勸酒袖捲輕羅皺紅豆莫低拋天涯魂易消

姜景華

字藝洲號湘浦
丹陽人諸生

一翦梅

閨思

別緒幽懷那可論
新恨三分舊恨三分
舊恨三分銀荷膏膩玉鑪
溫香盡黃昏燭盡黃昏
下卻珠簾掩卻門
花也愁人月也愁人
羅衣何日斷
嗝痕春也銷
魂秋也銷
魂

秦恩復

字近光號敦夫江都人乾隆五十二年進士官編修有享帚詞

卜算子

料峭怯殘寒
花事全無據
零雨斜風斷
送春隔住前溪路
金獸熱沈檀
鎮日重簾護
青眼逢迎是柳條
綠暗鶯嗁處

沈振鷺

字君白號江川嘉興人諸生有紅樹山房詞四卷

夢揚州

舟次廣陵

暮帆收指綠楊城郭揚州細雨乍飛估舶蟬聯津頭舊
家臺榭臨溪路影匆匆人過香留春歸也疎篷外一林
嘯鴉牽愁 猶記紅橋燕遊曾醉感蕪城夢賦迷樓徧
倚藥闌俊賞時聽清謳七年不到鍾情處判詩筒流斷
邗溝空恨惹珠簾十里縹緲孤舟

蝶戀花

朔地春寒花事少穀雨初晴綠潤山城曉燕子不來簾
幙悄一襟幽恨隨芳草 錦鯉波沈鄉信杳莫聽嘯鵑
歸思催人老吹盡風檐紅杏小生香空賺遊蜂到

清平樂

春晚東郊遊眺

雨餘春露跨馬重關外細麥連疇青似帶斜日亂山凝
黛綠楊古道平沙村墟歷落人家指點風帘酒肆門
前一樹桃花

憶真妃

感舊

海棠淚浥胭脂雨如絲深院嫩寒春曉畫眉遲

瑤瑟

怨鳳簫短兩心知聽取韋郎腸斷浣花詞

孔憲莖

字載元號厚齋曲阜人乾隆五十二年臨
雍欽賜直隸州州判有逸友堂詩詞附

浣溪紗

花半開時酒半醺碧闌干外獨逡巡豔陽天氣滿園春
樂府空憐劉碧玉美人還憶薛靈芸閒中贏得暗銷

魂

詹應甲

字鱗飛吳縣人乾隆五十三年舉人官漢陽縣知縣有絃秋續詞清江詞

浣溪紗

花外樓臺一角紅繡簾不捲暗香通十分春色鏡當中
鐵馬敲殘深巷月紙鷲吹落隔牆風此時拋枕倚熏籠

又

香徑斜通第五橋鈿車羅帕漫相邀移家好問海棠巢
蓮子東西南北葉柳枝高下短長條都應無地著魂銷

舒位

字立人號鐵雲大興人乾隆五十三年舉人有琴尾詞

太常引

一層楊柳一層鴉水屋似浮家簾捲晚湖霞剛曲彖闌
干半遮 遠峰梳髻微波開鏡人面借桃花照影浣溪
紗去買箇春舟若耶

清平樂

微雲

微雲不語向晚孤飛去 鐙火高城知幾許記得畫橈停
處 滿天鴻雁歸秋羅衣織薄須愁忽作橫空一抹和
煙遮斷紅樓

阮

元

字雲臺儀徵人乾隆五十四年進士官至大學士加太傅論文達

百字令

重葦曝書亭圖用太史原韻

先生歸矣記江南春雨扁舟初泊自種垞南千个竹老
讓嬾雲閒託繭線牽絲弓枝射鳴足伴填詞樂畫圖長

在肯教蹤蹟零落 今日水淺荷荒巖低桂蠹殘址難
斟酌何處牆邊樓影小曾展秋窗風幙儒老乾坤書懸
日月莫漫悲亭壑重摹橫卷遠山還染三角

又

丙辰重修曝書亭屬伊小尹太守及司何兩大
令董其事秋日落成仍用原韻

南垞荒矣問書船潞水何人停泊經卷詩篇零落後魂
夢向誰棲託把酒能招披圖相慰畢竟歸來樂結成亭
子我今重爲君落 才見五馬行春雙鳧漾水攜畫同
斟酌尙有孫枝桐葉在護爾秋風蓮幕疊石栽花引牆
圍竹依舊分枝壑者番題柱夕陽休礪牛角

亭柱易之
以石以冀

遠水

石韞玉

字執如號琢堂吳縣人乾隆五十五年進
士及第官至山東按察使有花韻菴詩餘

鷓鴣天 稗柳

學畫修蛾尙未成翠樓相望已闕情尋花客過將停馬
載酒人來欲聽鶯吹玉笛撥銀箏蠻腰一舞便傾城
卻憐薄命應飄泊萍是他生絮此生

側犯

小庭蟋蟀夜來訴盡秋心苦幽處有澹月窺人入瓊戶
蘭釭迎照壁孤館無人語微雨聽蛻葉蕭騷漸辭樹
吳歌款乃一棹江南路忽小犬吠花陰歸夢又驚寤坐
起推窗桂輪方午延伫明河正迎織女

張師誠

字心友號蘭渚晚號一西居士歸安人乾隆四十九年南巡召試一等第一

賜舉人

授內閣中書五十五年進士官至倉場侍郎有省錄室全集十六卷

念奴嬌

贈湯友琴

瑤臺仙侶記散花天上似曾相識笑指前身明月影照
到舊三生石對酒當歌籌花鬪草都是鴻泥跡翩翩年
少五陵大半豪客 還記翦燭西窗連牀夜話心事和
君說意氣年來疎宕甚欲把西江全吸誰說封侯白頭
無分珍重年華惜秋光雖去且休孤負游屐

賀新郎

友人贈龍泉

三尺芙蓉豔笑年來讀書未就翻思學劍瞥聽星鐔鱗
甲吼飛出霜花片片費幾許工夫鍛鍊愧我及鋒猶未
試喜秋風識得英雄面聊起舞引杯看 幾番投筆思
焚硯問誰是千秋歐冶當年薛卞爲爾雄心空咄咄付

與一痕秋練耿耿向長天倚徧倘遂化龍飛去也上青

雲不藉風雷便遣仗爾掣虹霓

洪

梧

字桐生號東湖歙縣人乾隆五十年進士授編修官沂州府知府

郭頴卽日桐生太守自罷郡歸寓居廣陵日失明後始學爲詞工於慢詞成口授侍史書之都爲一冊皆用一夢紅調數疊其韻次

一萼紅

雲山閣藏書次吳山尊韻按太守積書五萬卷藏於揚州湖上之雲山閣此詞所以志也

嶺雲隈望廣寒宮裏任我載書來中聖相逢避賢未去
且學繡佛長齋喜地主鄒陽不拒遣彥和緇帙譯經臺
雙寺紅邊五橋高處萬卷樓開漫擬河陽溫石計十
年推轂多少英才祭姪韓文悼妻潘誅先生逆旅誰陪

幸知我飄蓬無藉道湖山送老不須回怕說邨原零落
籤罍空排

許

字月南
孝廉

郭頻伽日月南清詞麗句不減溫韋

灘破浣溪紗

子舍歡言蠟炷長妝臺溫語粉痕香說著秋聲嫌冷淡
况他鄉 風打窗櫺推夢醒雨淋檐角說天涼此刻爭
能家不憶又重陽

錢師曾

字唯傳號蕙窗錢塘人
乾隆五十七年舉人

齊天樂

題南湖華隱樓圖

白蘋門巷來時路簾波近秋涼捲瀾茗甌香簪花鏡小

消盡吟芬紈扇流光暗轉問樓上妝臺影空塵冒一樹
垂楊舊鳥唬到綠窗換 名流歡飲未散記尊前落月
紅豆清婉幾片閒雲連番豔雪颺得天涯春迢迢翠
館算鸚鵡還山十郎猶見野水殘陽忍將圖畫展

蘇幕遮

春寒特甚汪小米經旬臥水北樓中頃此以當問訊

五湖覽三月暇天與煙波深處留精舍一樹鵝黃楊柳
下有箇紅樓有箇人如畫 瑣窗虛奩影射遠近眉山
描得春無價風緊梨花寒食夜記得攤書記得銀缸炬

陳

新

號秋江海鹽人乾隆五十七年副
貢官綏甯縣知縣有清舉樓詞稿

黃韻甫曰先生遺稿令子笠雨刺史攜至深
州任所咸豐三年城陷刺史殉難稿亦烏有
此詞於所題畫幅上錄得纒綿模摯迥絕時
趨惜乎吉光片羽不可多得也

解連環

意真情切看筠簾半捲疎疎獨立恨離愁多上眉峰任
淫雨淒風柳嘯花泣些子根苗待忘卻如何忘得看寒
潮一練江北江南亂山重疊前歡不堪再說但人前
啟口便嫌狼藉鎮無聊悶步西園把短鍾隨身掘地千
尺密語濃恩打併作一方埋沒拚來生泉下相逢同來
尋覓

左

輔字仲甫號杏莊陽湖人乾隆五十八年進士官至湖南巡撫有念宛齋詞鈔一卷

浪淘沙

曹溪驛折桃花一枝數日零落裏花片投之涪江歌此送之

水軟鶻聲柔草綠芳洲碧桃幾樹隱紅樓者是春山魂
一片招人孤舟 鄉夢不曾休惹甚閒愁忠州過了又

涪州榔與巴江流到海切莫回頭

菩薩蠻

螢

殘陽送雨疎猶落煙痕已上瀟瀟竹深院點燈時捲簾
初見伊 秋風能否耐舊夢池塘在魂小不禁吹月殘
星又稀

戴敦元

字士旋號金溪開化人乾隆五十八年進士
官刑部尚書贈太子太保諡簡恪有漚塵詩
餘二卷

點絳脣

與夢隱話春燕樓舊事

玉砌生寒舊游已落東風後露香盈手花與人爭秀
聞說而今更比年時瘦歡難偶碧雲停否梁月低徊久

清平樂

尊前咫尺背面都陳迹回首高城煙水隔人在西風簾
隙萬千心事誰知挑燈細琢新詞便沒青鸞寄與不
曾誤卻相思

揚州慢

廣陵中秋

星漢希聲露盤擢影暮寒最近中秋漸行雲送遠又夢
繞揚州怪嘯鳩春風不管玉人今夕多少離愁任遙天
圓月能看江水東流桂華譜恨料三生難問靈修讓
淮海驚才瓊枝絕豔長占紅樓剩有滿襟殘照都判與
一葉扁舟便煙波回首芳塵何處汀洲

二郎神

捲簾翠溼修竹外嫩寒還又記粉碓脂濃玉篝香暖蘭

氣纔融凍九卻笑溶溶梨雲影悄不比詠梅人瘦消幾
度倦游情懷長似阻風中酒 回首穿鍼鬪草前塵依
舊奈愁替花償夢催春短閒卻書裙俊手錦瑟年華瑤
琴心事低訴綠窗知否借一段殘墨模糊付與醉鶯眠
柳

點絳脣

新綠平隄桃花缺處曾添種踏枝鶯動舊恨新愁共
住也無端去也成何用誰相送冷泉情重替洗鉛華夢

孫

錫

字備衷號雪惟仁和人乾隆五十八年進士官鄂州知州有韻竹詞四卷

金縷出

暑意稍倦踐湖舫之約荷意已狼藉矣斷波圓蓋閒發蕊一莖亭亭掩映爰賦是闌

一陣跳珠雨作輕涼點搖平碧媽紅無數捲地萍颺

露蓋舞到香鬢似霧曠倩影幾番回顧孤豔不爭團扇
寵恨游人全忘花心苦歛翠袖且相護 尋花較晚花
無主裊凌波絲風太弱款花不住密柳疎蟬漁艇外我
擬將家賃去理舊怨爲花低訴千里美人江水暮望蘭
皋誰肯褰裳渡蘅佩遠在空渚

玉燭新

白鳳花

玉娥窺素牖正窄樣桐花褪翎時候翠瓷細搗宵幃靜
一招酥融纖手鉛華謝久訝小字女兒呼就心事傍白
鶴臺邊西風互憐清瘦 幾回欲挂釵梁染葉底新霜
冷光飛瀏秦樓聚首人歸也浣斷紅塵能否珍珠論斗
喚不起寂寥宮袖旋學取碎灑金膏寒生倚藕

花史宋
宮中避

光宗后小字呼鳳仙爲好女兒花北碕詩飛花只合秦樓去羣芳譜各早珍珠又謝長初侍兒以金膏灑鳳仙明年花開金色不去

葉紹榘

字琴柯歸安人乾隆五十八年進士授編修官辛廣西巡撫有謹墨齋詞鈔二卷

風入松

屏山曲處繡簾遮幽夢惜韶華羅襟假得闌干暖算春風也到天涯試問蕉心捲綠幾時重上窗紗畫檐無處抹殘霞暝色又歸鴉庭陰立盡如鉤月怕影兒壓損梨花正是銷魂時節隔牆低訴琵琶

綺羅香

題胡研農觀察吳門御扇圖卽送之任蜀中

柳暗銀塘花圍玉阜隱約畫樓芳樹百斛量珠選得呪桃眉嫵愛幾番倚竹微吟更消受吹蘭低語向簾陰重

展冰紈彩毫應寫舊題句
年來未厭輕別屈指落梅
風裏繡驄歸去小住江鄉
重問錦帆開處好相將共倚
蘭橈定話到綠窗離緒記
春前門掩梨雲小樓聽夜
更

長亭怨

紙寫

雕檐外嫩晴如拭燕子風輕
誰家巷陌綵繩低曳綠楊
影裏裊空碧暮霞斷處閃
幾點斜陽明滅欲墮還飛
好認取驚鴻標格清絕更
冰絃斜挂依約玉箏聲咽
閒情似訴逗幾處晶簾微
揭度樓陰一縷春痕早報
與踏青消息怕冷雨黃昏
誤了餽簫時節

余尙德

字式南號嘯山休甯人有碧水詞

金菊對芙蓉

中秋夜坐月色皎然孤影無聊因成此解

桂院流香冰納織素幾番款步留連聽綠鬢鄰女私語
纏綿夜深清露涼如水冷芳叢一片寒煙瓣香燒了巧
排花果深拜簾前 情知夢也徒然念相如多病久客
天邊算吟箋賦筆種種堪憐今宵縱有多情月甚相逢
不似當年疎砧聲裏鎧光一點禁甚閒眠

邵

源

字崑源號虛白平湖人諸生有紅柳詞

碧桃春

清陰漠漠柳絲絲日長簾幙垂畫樓南畔曲闌西落花
紅滿溪 人不到燕空歸無情懶畫眉幾番往事怕重
提愁深只爲伊

清平樂

繡牀無那懶去添爐火一種淒涼誰似我只有玉梅幾
朵雙鬢未解閒愁笑來窗下凝眸昨夜春歸柳上教
他放下簾鉤

劉汝完

字荆有號笛漁杞
縣人有蘆中語業

謁金門

湘江夜泊

風側側誰在夜船吹笛一岸柳條攀未得月斜帆影直
湘水無情自碧孤枕客懷悽惻如夢遠山歸路隔露
涼燈外滴

瞿紹堅

字夢香昭文人
諸生有吹月詞

江南好

西湖

西湖好人住水邊樓疎影暗香闌倚夢斜風細雨笛吹

愁詩約付閒鷗

蔣慶增

字如川
長洲人

蝶戀花

露井蛩多闌夜靜薄酒欺寒又是年時病記得醉中頻
薰茗玉纖親試團龍餅往事淒涼難再省頓覺如今
愁與星河冷殘月四更人睡醒一簾風顫秋花影

程寬

字裕堂號芋塘太
原人有雨琴詞

生查子

即次夜感

門外馬嘶聲夢醒家千里一翦透窗風暗落金釭穗
作客不知鄉飛雁如何至高樹月猶斜殘柝催人起

朱

鑑

字明涵號阿顛元和
人有卷石山房詞

惜瓊花

春風惡歡情薄恁名花一朵何處漂泊憶曾深夜臨妝
閣酒罷燈昏軟語堅約誰知孤付託嘆匆匆別後往
事成錯舊時池館皆寥落欲訪仙踪如夢無著

長相思

黔中

曉雲生暮雲生浙浙騷騷風雨聲天無三日晴
遠山橫近山橫疊疊重重離別情地無三里平

沈蓮生

字清愛號遠亭平湖人官阜陽縣知縣有香草溪詞

屈韜園云遠亭詞屏絕穠纖獨抒清雋韻甫曰遠亭詞旨幽微宜於秋燈疎雨時誦之

八聲甘州

東湖別四年矣扁舟重棹蒹花菱葉秋思渺然因有感於舊游倚聲爲此新册

故侶根觸今于懷也

倚危樓倒影瞰澄湖一鏡晚風寒正潮生前浦六橋柳
老三寺鐘殘楚客漫驚搖落楓葉未成丹指點攜筇處
石冷雲閒多少天涯倦旅夢青門瓜圃白水魚竿但
黃蘆苦竹賓雁帶秋還畫疎林淡煙孤榜待尋來都在
夕陽山重回首舊時鷗鷺拍徧闌干

蝶戀花

年去年來江上燕紅了桃花綠了垂楊岸鎮日闌干天
樣遠畫堂簾幙陰陰兒 牆外誰家吹玉管絮亂絲繁
天亦如人倦香夢無邊尋欲徧夢回只在閒庭院

暗香

客久未歸春事冉冉盡矣成此解再寄韞園

蕙蘭芳歇向瑣窗喚醒聲聲嗚鳩莫是春歸問取嬋娟
二分月顚顚天涯倦羽怕還聽了甯將息想故侶門掩
雲蘿閒夢抱香蝶 寥寂望江北正懶倚畫簾絮飛如
雪雨花暗泣一地鞋紅繡顏色曾凭闌干亞字何處也
高樓橫笛又卻怨湖上柳那回共折

疏簾澹月

得家人書詞以報之

牆陰那角有小小幽花乍牽籬落露腳斜飛坐久袖羅
嫌薄一年一度填河鵲只年年瘦腰如削晚妝重理娟
娟楚楚半簪涼萼 問因甚萍飄絮泊誤綠溪秋釣畫
簷春酌往事驚心塵滿玉窗羅幕行雲縱有刀鐙約怕
相思歸夢難託但教說與來鴻去燕幾曾忘卻

揚州慢

鶯花一夢遊倦知還子青作芍藥卷以贈因憶白石自度曲有念橋邊紅藥年年知爲誰生句繼聲如此

婪尾杯空掃眉人老十年重夢揚州已芳心漸減未許
說春愁念前度橋邊載酒一枝低插風露當頭惹煙痕
輕注調鉛殺粉都羞采香路杳怕將離欲贈還休認
月地雲階簫聲簾影隔斷紅樓後日綠陰無數劉郎去
暗了芳洲算盈盈官柳逢人猶解攀留

望湘人

秋聲滿耳因動江湖之思欷枕成吟不自知其淒咽也

乍簾衣織暝琴薦抱涼帳空幽夢如雨漸咽疏蛩更催
遠杵換了吟蟬前度耄柳荒荷斷橋曲港無尋秋處又
怎知秋在南樓暗帶雁聲飛去惆悵人閒倦羽料蘆

漪月冷未迷歸路認蘋葉蘋花只有舊愁無數苔磯驚
管釣船沙護試與重尋煙語怕醉後權入蒼茫一笛漁
天吹暮

李

字蘭友號篁園嘉興
人有香閣詞鈔

踏莎行

落梅

第一番風偏畱不住落花如雪中庭舞美人未肯斷春
心餘香幾點猶黏樹索笑無從招魂難據珮環此後
歸何處小樓夢破角聲殘微雲澹月相思路

南鄉子

題張竹隱幽篁坐愛圖

三徑繞篁簷翠幄風開別有香畫裏分明無六月陰涼
小坐莓苔滑不妨塵事儘堪忘閒作詩狂更酒狂便

擬從君談夜雨商量寒玉叢中結草堂

朱步沅

字沁泉
長興人

瑣窗寒

題湯德媛女士寒閨病趣圖

雪綴疎林風淒曲院
畫檐虛靜零脂剩粉
換了藥囊茶鼎
炷熏爐雙飄篆雲轉
因小極塵根淨
但翠帷半捲依
依相對玉梅嬌影
芳徑煙霏暝
又幾日不來履痕苔
凝刀圭試剖自簪蕭閒心性
證三生天遠四禪綺年錦
瑟還暗省倩檀奴檢點
神方好駐璇闈景

姜安

字涪甫號怡亭錢唐
人官訓導有冬碧樓樂府

郭頰如曰涪甫與白樓
樓同以詞名浙中
爲蘭泉先生所賞
涪甫詞委折自道
不作囁
嚅耳語

疏影

柳影

長亭短驛正春光一片滿地狼藉飛絮飛花蕩漾參差
幾度臨風難折絲絲遮斷河橋路悄不礙踏青遊屐漸
魚雲斂了斜陽尋徧亞闌無迹曾伴紅窗簸弄那人
愁瘦損描上香額細雨吹絲倒映漣漪莫辨層層深碧
秋懷賸付鴛鴦渡算只有斷魂相接怕亂鴉飛入寒林
未省舊巢端的

清平樂

湖墅秋曉

菱絲翠瀨衫影紋漪蘸小朵黃葵籬角占輸與黑牽牛
淡 曉涼露滑蒼苔石橋北折門開一陣水風吹過白
荷花上秋來

李汝章

字心碧秀水人有餘霞樂府二卷

奪錦標

題周文矩春愁圖

細雨空濛輕寒料峭冷落海棠庭院惆悵韶光易老紅
杏初殘綠蕉微展正凝愁如許又添得新愁無限怕東
風再送愁來不把湘紋簾捲 小曲闌干斜畔杜宇聲
聲喚起幾多幽怨况是雲窗人靜香鴨煙消冰絲塵滿
恁芳菲時節盡輸與西園鶯燕更無心爲試春衣疊損
砑花金綫

洞仙歌

秋柳

絲絲顚顚傍荒寒亭堠遠岸芙蓉共消瘦悵弓腰舞袖
都化煙雲斜照外唯有紅橋依舊 涼蟬聲斷續根觸

離情白下門前怨分手繫馬向誰邊
烏夜唳殘正月冷
霜清時候想垂老桓公在金城
應悽慘江潭不堪回首

楊大章

字文載號斐園
丹陽人諸生

添字昭君怨

夏晚遣懷

林外斜移雨腳雲聳一峯如削
怕因望月又思家任雲
遮煙重小庭窗暝且喜愁人無影
呼童遲上讀書鐙
看流螢

徐豫明

字簪盍號有堂
丹陽人諸生

浪淘沙

春暮

幾夜雨聲中春去匆匆殘英滿地
曉園空蝴蝶不知花
事了猶戀芳叢遲步出簾櫳
幽意難通欲拋離恨付

東風奈不解將愁帶去但解飛紅

荆鳴昌

字若貢丹
陽人諸生

蝶戀花

聽說傷心今又去細雨丁寧盡是消魂句別後春歸畱
不住落紅偏傍闌干聚芳草迷煙間杜宇雁杏魚沈
誰寄閒書素數徧歸期重又數畫橋柳色纔飛絮

邵豐城

字龍光號懶漁嘉善
人諸生有焦隱詞

郭頻伽曰偶於故書攤上得詞稿一册自署
風溪邵豐城前有王鐵甫題字與許澹人張
遠春交游詞雖未能清靈婉約然著題處頗
用意蓋學辛劉而未成者

清平樂

渡泖

潮平風靜水色明於鏡縹緲波心浮塏影更著遙山相

映呼舟徑渡蒼茫艣枝劃碎秋光浦口日斜漁散白鷗飛近船窗

臺城路

秋草

芳痕怨入東風裏曾經喚愁多少綠尙含滋青將變色
次第商森吹到池塘夢杳奈吟斷春情頓孤懷抱落日
閒門伴他疎柳影低照黃雲橫亘萬里想霜飛遠塞
沙冷先槁雨洗涼螢煙迷瘦蝶更有幽蛩相弔征袍漸
老悵遊子天涯故園荒了記否裙腰一條斜更好

陳孟周

梁晉竹曰陳孟周替人也開鄭板橋填詞問其調爲誦太白菩薩蠻憶秦娥二闕不數日卽填憶秦娥詞

憶秦娥

光陰瀉春風記得花開夜花開夜明珠雙贈相逢未嫁
舊時明月如鉤挂只今提起心還怕心還怕漏聲初
定玉樓人下

國朝詞綜續編卷三終

錢塘宗景藩子城校棊

國朝詞綜續編卷四

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳莖 增訂

錢塘 諸可寶 校勘

永康 胡鳳丹 監刊

曹言純 三十一首 袁 棠 三首

沈一誠 一首 孔廣根 一首

張思孝 一首 張惠言 三首

袁 成 一首 錢之鼎 二首

錢 枚 三首 樂 鈞 四首

宋翔鳳 三首

盛大士 二首

熊德慶 一首

李若虛 二首

董邦直 一首

袁通 四首

馬公儀 五首

程 一首

曹言純 字絲贊號種水嘉興人

貢生有種水詞四卷黃韻甫曰種水詞慢聲樸老堅潔自饒嫵媚非時下輕攏漫撚者所能學步小令觸緒生情瑣瑣如道家常深得古樂府神理禾中朱李以來斷推作手

鷓鴣天 永興道中

驛樹參差石路微
客程遙指亂山西
明波觸動江鄉思
野店門前白鷺飛
重對酒更沾衣
山窗斜日鷓鴣啼
楊花不管傷飄泊
祇與行人絆馬蹏

瑞鶴仙 代書答吳螟巢

老懷消意趣，祇羅帕題情，舊痕如故。輕衫酒頻污，又西風銷黯，醉眠何處。蓬飄客路，料應念天涯，伴侶向滄江。一點相思，屢逐白雲飛渡。重數黃花開落，赤雁回翔。九秋遲暮，淒涼更苦。空書裏寫愁去，算湖田村墅，得成歸計，共唱尊前金縷也。難辭短袖，翩翩爲君起舞。

聲聲慢

甲寅秋會歸安鈕錦莊山陰何師曾於錢唐酒闌對月相與歡甚別去八年不復通問去秋錦莊重游西湖傳語憶我殊極因填此解寄之時壬戌十月六日

簾分冷月酒散寒波，愁心燭淚，懸珠人去。前谿關門柳色，干株香生，鄂君繡被，付當時醉夢模糊。負深約，更山陰乘興，一櫂同呼。重省書裙題扇，記筆裝銀管，墨蘸

金壺再研紅箋難憑斷雁沈魚留連送行舊地又梅花
開滿西湖花瘦也問相思人也瘦無

三姝媚

初夏

薔薇花作酒問扁舟歸裝定成行否望遠樓頭但綠陰
遮斷滿汀楊柳別語分明曾記約櫻桃開後不道如今
青子離離已成紅豆倦聽簷聲垂溜任燄盡薰鑪確
殘茶白嬾卷重簾正觸屏思睡掃愁無帚帶減衣寬誤
幾度疑緣詩瘦甚識團團扇裏新題未有

蝶戀花

京口道上

花外蕭疏寒食雨客裏垂楊插向誰家戶馬上征衫燈
下作東風細細吹愁縷不問閒游何處所小榭幽亭

到處句畱住回首來時天際路山橫水斷雲無數

步蟾宮

和李旭齋紅橋卽事

柳絲兩岸情難繫但作得空濛無際團紗舊扇認前題
柰已是青春隔歲相逢不語看凝睇更莫問迴腸深
意落花傳恨水傳愁卻多在東風影裏

又

觀荷同沈匡齋作

涼簪碧玉青絲紵記人在綠雲深處紅燈未上月來時
正相對荷花欲語十三低雁黃金侶幾零落秦箏寶
柱尊前莫更喚調絃怕不是當時眉嫵

望梅

惲正叔做倪元鎮十萬圖冊原係元鎮爲陶南村所作萬竹山居卽南村竹居萬卷書樓卽元鎮清閨閣也又萬荷深綠亦冊中圖名汪經農來邗上攜是冊出示余愛之未能奪

也因題其後

峭然孤鶴認江船客到短橈初泊定不羨十萬腰纏看
粉本籤題錦囊條縛懶攢風流那更有南田描摸似篁
村舊隱淨榻畱賓夜雨新作閒門好成寄託暢安排
樹石懸挂簾幕待甚日清悶圖書並梧翠陰陰靜鎖亭
閣漲水荷塘儘放遣綠雲吹掠便塵衫把來卸也醉眠
踈脚

河傳 重送經農

螢苑秋滿上燕城臨水登山遠情絳河西流天未明催
程人先鴻雁征莫滯梁園吟雪賦叢桂樹要著淮南
句玉連錢速回鞭月圓更尋泛月船

師師令 詠鏡

花光粉膩認芳華通體寶釵相並寄書來人正在水晶
簾底十二巫山新夢起對曉雲梳洗常隨歡笑同心
意鎖回眸凝睇月中應使妒嫦娥三五夜團圓情味有
日妝臺難覓你向阿誰懷裏

綺羅香

送頂友花歸里

歲晚歸心天遙客思話放津門清溜款款南征從想虎
山胥口度蕪鄉玉破鱸鱗指柳舍翠凋鶯胆記孤吟一
棹荒寒去年來是此時候佳期多少誤卻屈指園收
紫筍池開紅藕雁底霜前纔過菊籬黃後視刀頭空逐
回環移帶眼暗驚消瘦待問訊谿上梅花冷香吹到否

木蘭花慢

乍蘭橈泊處望密雨灑如麻正引入清愁陰陰暮吹城
上孤笳紅牙數聲短拍唱吳腔小鼓更誰撾曲岸垂楊
巷陌小樓賣餅人家 燈遮檣影颭空斜夜雪犯寒沙
悵重來又是杏花風裏芳草天涯辜他翠幃靜掩夢雲
汀煙渚客程賒鳳斷灰心蠟燭燕窺塵面琵琶

疏影

和旭齋懷剡舫早梅

苔枝似鐵倚繚牆側畔橫翠庭石洗研池邊清影離離
柴門最記幽絕疏窗縱比蓬舟小自暗領春風消息慣
未經臘雪紛飄已有數椒先白 緣底香醪賸卻歲華
冉冉裏長是爲客寂寞霜天斷角江城更入淒涼殘笛

何郎興緒空愁減，漫俯仰水曹陳蹟。算不如歸去，題詩
醉度草堂人日。

惜餘春慢

重賦芍藥

荒寺聽鐘市樓沽酒游冶易驚，時序湔裙水影照鏡波。
痕猶認宛虹橋柱，誰省尋春杜郎身到揚州。夢曾無據，
漫銷魂，惟有江淹傷別滿前新賦。甚又是、遼館闌干，
香階茵薦幾處。畱人尊俎，銀瓶翦葉金帶盤枝芳事更。
還如許多怕陰濃翠深一霎園林亂蟬吟暑悵持緘花
片遙情難寄楚天雲暮。

胡搗練

深枝密葉樹迷人，只聽鶯鶯聲。嘯水闊天長雲斷不抵

屏中遠 七盤舞似近前來又忽隨風飛轉對面猶遮
團扇知許何時見

天仙子

渺渺菰蒲秋幾許蕩舟相遇銀塘浦殘荷猶有兩三枝
休折取好畱與遮蓋鴛鴦來睡雨

好事近

敲折玉鸞釵暗數盟言深誓一枕珊瑚寒入到鬢痕雙
臂相思人在小樓頭心在暮天際亂攪落花流水作
一江紅淚

菩薩蠻

去年花下同攜手玉交柝底傾春酒自別去年人今年

睡過春 關山相隔絕千里同明月此意更淒涼客中
思故鄉

又

扁舟送向東南去東南紅豆生何處有翅苦難飛空成
孔雀衣 愁蛾愁不展凭得闌干暖花下獨凝思人來
荅語遲

踏莎行

鳳餅香寒鵲鑪金暖沈檀小几迴廊畔笙歌闌裏避歡
來夜深拜月深深院 溼翠凭闌圍紅坐片兔宮誰見
嫦娥怨楊花直是解人心無風猶作千回轉

蝶戀花

寒食清明花炫晝小扇銅鑲小院無人叩曾折一枝春
在手至今香氣餘襟袖六幅屏風山疊就畫裏瀟湘
蹴起愁紋縐城上三更聽打後垂垂蠟燭紅珠溜

南歌子

溼粉消金帶流霞浸玉壺馬蹏望斷隔蘅蕪在喜紅羅
巾子上蜘蛛一一回文字雙雙織錦書休嫌近日寄
來無都被思君時節費工夫

鷓鴣天

樹底花飄滿地殘馬頭鞭影路漫漫夕陽酒醒東風急
飛上春衣客袖寒融翠點溼螺丸萬山眉黛更千山
不如親畫雙蛾色鎖閣中閒自在看

謁金門

花前讌記得年時相見舉酒屬栢栢再滿此情猶道淺
回首如今人遠對酒看花都嬾續紙成書書複卷此
情猶道短

海棠春

鏡臺塵網慵窺拭賸一箇黃衣粉拂玉筍兩行嗁溼淚
沾襟臆 當時曾畫丹青色便自看認他不得莫與寄
書知客裏傷眠食

一落索

背燈坐把銀屏界鎖歸來休采彩箱檢與石榴裙有淚
點行行在 打了鬱金牀壞損流蘇雙挂那回原是錯

思量睡不著將伊怪

南樓令

獨自怯空房還愁病體涼把珠簾揭下疏光買就桃花
生紙幅寒事了早糊窗脫葉映斜陽捎簷老樹長透
玲瓏紅果新霜昨夜被風吹一陣又幾箇落銀牀

踏莎行

酒色浮觴餉香撥箸常年樂事今無據三分春色斷腸
時海棠花下唬紅處被浪愁翻眉峯恨聚楚王臺畔
空空雨斑斑湘竹暗湘江鷓鴣聲裏行人去

鷓鴣天

辟惡生香嬾屑塵錦帷空有獨眠人笛傳心孔雙雙引

鎖在眉梢一一顰 孤似月散如雲如何猶說掌中身
搔頭玉冷仍連夜焚尾花濃不屬春

步蟾宮

鳳燈脛小添油灼夜垂盡不歸香幄趕裁白紵作春衫
任兩手春寒都著 佳期已誤虛前諾算孤負花陰池
閣逃禪服散儘歸來也拚與燒香丸藥

傷春怨

冉冉清谿曲一片春波新綠日對碧紗窗兩隻飛鳧來
浴 好枝沈香木作了行雙陸看爾幾時休又去上疏
璃局

袁

棠

字甘林號湘湄吳江人國學生嘉慶元年舉孝廉方正有姚瓊館詞一卷

菩薩蠻

薄雲流過疏疏雨，亂蛩堆裏尋秋去。茅屋半依村，夕陽紅到門。不知嵐翠積，只覺蕉衫溼。如此好煙蘿，昏鴉寒奈何。

鳳凰臺上憶吹簫

書青溪惆悵卷後

巷樹鉤衣陌花闌，馬幾曾直得魂消。只石城艇子打槳堪邀，猶是薄眉緩鬢，疏簾底人畫南朝。難忘處酒邊低唱暮雨蕭蕭。迢迢夢魂來也，六百里關河，少箇輕橈。怕白門秋柳分瘦，宮腰何況那時。送別憐扶病骨，比香桃重回首，斜陽亂山一片寒潮。

渡江雲

自燕磯放船至京口夜泊不寐憶戊申仲秋偕鐵門頰伽同舟聯句江月依然故人

在遠余懷渺渺情見乎詞矣

津頭猶疊鼓舵樓晚飯落日一帆懸半川霞散綺著色
山多金碧暖蒸煙誰拈鐵笛向中流吹暝魚天剛幾點
松梢燴火京日照停船依然濤聲破睡篷背聽秋只
盟漚人遠猶記得坐來鐺腳對聳詩肩舊題重省昏於
夢覺而今老大堪憐江月底腸迴二十年前

沈一誠

字步傳號香笠
平湖人諸生

更漏子

寒宵

漏初沈燈欲斂門戶幾家深掩鄰犬吠隔離坳柝聲穿
巷高簷雪重硯冰凍竹屋紙窗誰共香裊裊酒慙慙
衾寒夢不甜

孔廣根

字心仲號小莊曲阜人諸生嘉慶三年臨
雍署翰林院五經博士有秋夢山房詞鈔

踏莎行

息影園秋居

蛩語庭階螢穿籬落輕颺漸透羅衣薄夜深酒醒始歸
來月斜已過闌干角 曲曲銀屏森森翠幕良宵好景
空耽閣依稀有夢到秦樓夢中似見人如昨

張思孝

字南陔號白華長洲人歲貢
生有白華草堂集鶯邊詞

臨江仙

幾日畫梁無燕子惺忪懶揭簾鉤露華葉上已先流月
沈將冷砌人倚可憐秋 夜永未嫌羅袖薄西風悄似
春柔酒醒不耐數更籌雁聲銜斷月燈影聚鄉愁

張惠言

字皋文武進人嘉慶四年
進士官編修有茗柯詞

黃韵甫曰臯文先生工古文辭賦於經無所不通尤粹於易禮所著虞氏義虞氏消息儀禮圖儀徵阮相國刻於鄉嬛仙館又易事易言亦皆梓行官翰林時敝車羸馬日給不繼唯學是求不見憂喜年僅服政病疫卒官士林惜之詞宛轉有致

相見歡

年年負卻花期過春時只合安排愁緒送春歸
梅花
雪梨花月總相思自是春來不覺去偏知

木蘭花慢

游絲同舍弟翰風作

是春魂一縷銷不盡又輕飛看曲曲迴腸愁儂未了又
待憐伊東風幾回暗翦儘纏綿未忍斷相思除有沈煙
細裊閒來情緒還知 家山何處栖遲春容易到天涯
但牽得春來何曾繫住依舊春歸殘紅更無消息便從

今休要上花枝待祝梁閒燕子銜他深度簾絲

玉樓春

一春長放秋千靜風雨和愁都未醒裙邊餘翠掩重簾
釵上落紅傷晚鏡朝雲捲盡雕闌暝明月還來照孤
凭東風飛過悄無蹤卻被楊花微送影

袁

晟

字仲容號山史吳江
人有餅桃花館詞

浣溪紗

翦翦輕寒似暮秋絲絲細雨織春愁朝來生怕上簾鉤
又是去年時節近落花飛絮滿汀洲憑闌目斷小紅
樓

錢之鼎

字君鑄丹徒人
有雙花閣詞

浣溪紗

衣上霜痕鬢上沙一鞭絲裊帽檐斜山城古驛見桃花
剛是暖風吹絮路南飛燕子總還家誰憐人少在天

涯

憶少年

桐花庭院梨花魂夢楊花蹤跡相逢不成笑醉桃花顏
色夜靜涼波涵影白度瓊簫幽情微咽天涯已愁斷

更如何眠得

錢

枚

字枚叔號謝龠仁和人嘉慶四年進士官吏部主事有徵波詞

郭頻伽云徵波詞步武南唐神韻超絕楊蓉裳序云詞逸千秋情深一往

風蝶令

好夢難重作去春愁又一年東風吹起夜窗眠依舊初
三月子不曾圓 曉霧凝香溼遊絲惹恨牽桃花開近
翠簾前花外一重涼雨一重煙

蝶戀花

題家筠友春風憶舊圖

萬條金縷和煙種似起如眠綠到春無縫可柰長條迎
又送天涯誰繫青絲鞵 他鄉聽斷江城弄人似楊花
愁比楊花重一種曉風吹不動淒涼十五年前夢

洞仙歌

題袁大蘭村通南園春夢圖

困人天氣又落紅成片不是東風不畱戀柰子規聲緊
底死催春春去了花也被他唬倦 最難排解處花落
春歸好盼明年再相見偏是夢無憑夢裏相逢還不是

舊時人面悔不學楊花化浮萍看點點圓波不曾分散

樂鈞

字元淑號蓮裳臨川人嘉慶五年舉人有斷水詞三卷

黃韻甫曰孝廉喜爲奇麗之文兼工韻語鄉薦後屢試不第彙筆江湖鬱鬱以歿才人偃蹇殊堪浩歎詞境朗秀幽峭別具會心

浪淘沙

歌罷酒顏紅船小江空仙仙衣袂惹輕風玉臂雲鬟波
上影明月當中沙渚淡煙籠隔岸聞鐘流蘇羽帳夜
香濃喚起侍兒教澹茗燈隕釵蟲

南鄉子

題水南村舍圖

何處水南村綠是溪光白是雲飛過一雙閒翡翠柴門
十里桃花不見人雙槳蕩吟魂來看揚州月二分冷

雨寒風兼小雪黃昏一樹梅花不算春

三姝媚

秋陰釀雨庭卉潛然聞湖上藕花盡矣賞會無端詞以遺意

淒風連夜響料芙蓉吹殘水雲空蕩鷺冷鴛寒向敗荷
深處暫時偎傍待覓纖鱗早收在漁竿漁網縱有垂楊
難繫遊驄怎停歌舫只算金焦無恙又墮影江心和
潮來往細雨乾時把舊愁千縷寄還天上草草庭花更
何事爲伊惆悵正似南樓秋夢迷離半晌

一萼紅

春夜聽雨和慈仲作前夕夢泛紅船仰見江月遽然以覺竹雨正喧爰并述之時客

眞州

蕩蘭橈正江天闊處和月看金焦樓鼓催歸鎗鈴傷別
夢醒身世迢迢只闌珊幾竿窗竹甚風葉吟得太蕭蕭

水氣成煙梅魂隔霧已近花朝 有客夜深翦燭把新
愁細譜舊恨重挑野店雞聲荒汀雁語捱過多少今宵
歎華年空如錦綺被春風翦作幾千條近日心腸都死
那有魂消

宋翔鳳

字于庭長洲人嘉慶五年舉
人官新甯縣知縣有香草詞

高陽臺

次龔定庵韻

雲疊離情風牽別緒過來幾箇今宵人在天涯芳時各
恨飄蕭尊前莫唱傷心曲有年時種種無憀怕蹉跎冷
到瓊花咽到瓊簫 休憎一水盈盈隔喚喚蘭舟渡去瑤
想全拋如此相逢淚斑總漬水綃消愁說是杯中酒爲
愁多酒也難消又無端玉頰微侵卻暈紅潮

滿庭芳

酒境難尋歌塵如夢水路山路迢迢謝伊珍重留我住
今宵春在銀屏一角何曾見絮墮花飄嗔紅處春風十
里好認女兒腰魂銷思此後曉風殘月野店村橋有
無限離情暮暮朝朝只願香痕不散依然是荳蔻初梢
隋隄路重城極目門掩玉人簫

鳳凰臺上憶吹簫

曲賦深情絃傳幽怨幾回慢撚輕攏到十分寥落訴與
春風不信春風無賴還吹起片片飛紅人閒恨拋來一
刻又積千重濛濛似花帶雨搵不盡羅巾珠淚瓊瓏
要錦文機織心字香通縱有神仙未死雲霞散樓閣都

空閒吟遍瑤林玉樹卻是恩恩

盛大士

字子履號蘭雪鎮洋人嘉慶五年舉人官山陽教諭有琴竹山莊樂府

木蘭花慢

題黃少霞孝廉詩卷

問天寒翠袖倚修竹悄無言有十幅鮫綃那時織就宮
樣雙鴛瓊仙彩鸞去也定相邀捧出行波箋一曲清商
夜半泠泠十指朱絃吟邊花色總堪憐春信憶年年
每參橫斗轉羅浮翠羽遠夢如煙泠然御風海上望春
山窈窕畫屏懸流水桃花萬片武陵溪上魚船

多麗

落花

悄無言憑誰句引詩魂玉鉤斜鑪煙細裊溶溶院宇黃
昏倚蕉陰濃還欲滴鎖苔翠澹不成痕香送餘寒人扶

殘醉彩雲深處掩重門今宵是可憐宵也畱伴可憐人
悵明日春陰如夢春夢如塵 太淒清問花不語春愁
黯黯傷神未消除平生綺業誰排遣寂歷花晨一瞬光
陰十年情緒尊前愁鬢已如銀回頭望殘紅狼藉風色
上津亭有多少天涯倦客遠道王孫

一熊德慶

字蘭坡山陽人有
浣花閣詞鈔二卷

菩薩蠻

珠簾半捲銀鈎控流鶯喚醒殘春夢細雨鎖輕煙落花
紅可憐 凭闌人寂寞愁入秋千索蝴蝶一雙飛因風
吹上衣

李若虛

字實夫錢唐人爲秋藥太常女夫故又襲姓
馬氏官銅仁府正大營巡檢代理松桃同知

有海棠
巢詞稿

吳仲雲杭郡詩續輯曰實夫去官後遊蜀性
伉爽重然諾談詞如雲一時賢豪樂從之遊
烏斯藏距蜀西邊萬數千里實夫繩行沙度
窮厯荒渺晚乃終老成都詩多雄偉悲壯之
氣別撰海棠集詞賦柳豪蘇兼有其勝

金縷曲

屈指將重九笑狂奴風前脫帽放顛依舊行過荒涼三
晉地塵土滿人衫袖正秋老懷人時候記得年時騎塞
馬對黃沙一片迷晴畫山萬疊水千畝歸程兩月猶
嫌久更誰知瓜期已熟人生分手珍重臨行惟一語石
闕含辛滿口那忍醉尊前別酒太息畸人天賦就賸淒
涼獨咏章臺柳樂昌鏡再圓否

少年遊

偶拈仁月樓韻

乍過蠶日午晴天人費買春錢燈火簾櫳管絃歌舞客
滿畫堂前 老年情緒還多病禪榻枕書眠鼻觀參來
心香定後花影伴爐煙

董邦直

字古魚婺源人有
小頻伽集詞二卷

夢江南

春寒悄睡起怯生生獨倚銀屏思昨夢懶調箏柱譜新
聲無奈別離情

袁

字達夫號蘭邨錢唐人官汝
陽縣知縣有揜月樓詞一卷

浪淘沙

客瓦梁不寐作

回首小長干花未開殘別原無奈見應難賸遣夢魂尋

覓去夢又闌珊 蠟淚夜深彈倚遍屏山宵深先怯被
池單不是客中渾不覺如此春寒

浣溪紗

卍字文窗亞字闌犀簾一桁鎖輕寒春魂扶不上屏山
倚曲翻成鴿鴒舞檢香熏盡鷓鴣斑錦衾爭柰半牀
閒

玉蝴蝶 九月望日感舊

零亂溼雲拖雨西風吹斷閣住林梢倒影殘陽染就半
幅紅綃裏蟬聲一梳寒柳早驚秋瘦了纖腰最無聊羊
燈欲上又近長宵 迢迢負伊燕約空勞馳夢辛苦文
簫春影迷離更從何處覓藍橋便紅葉堪題恨字怕丹

鱗不渡霜潮惹魂消去年明日今歲今朝

浣溪紗

鏡裏驚鸞有淚痕枕邊夢蝶影初分春魂不暝倩香熏
烏骨簾遮花外路魚鱗鑰鎖月中門畧無消息又黃昏

馬公儀

字仲威號棣園上元人

郭頻伽云蘭邨以詞鳴自下一時無與抗手棣園多與蘭邨唱和之作獨得兩宋風格清和諧婉不愧雅詞

南浦

春烟用玉田生春水韻

風定綠窗深裊游絲怕倚南樓晴曉花氣雨餘攙閒門
閉滿地殘紅未掃香溫茶熟一雙燕子飛來小喚鶴不

歸人又倦碧裏半簾芳草 前村茶鼓輕敲欠分明幾
樹梨花落了垂柳鎖橫塘眠纔穩驚醒紙鷓吹到春痕
縹緲連宵潑火寒猶悄日暮淒迷寒食近報道踏青人
少

菩薩蠻

珧窗花氣烘初日綠雲低挽嬌無力不許做銀屏粉脂
紅未勻 新梳翻燕尾春在菱花裏倒影閃金釵妒伊
雙鳳開

一萼紅

上巳日脩禊隱仙庵飲老梅花下

動餘寒恰今年春好未許借春殘閣夢苔濃停煙雪古
疎香吹上吟肩便說道花朝過也占春心休共萬花看

青粉牆陰紅泥亭角淺步疑仙
圍住瓊英促席甚浮
橋間渡曲水紉蘭倦倚雲和狂呼蠟蓋酒星低照尊邊
儘扶醉不嫌歸晚鬪眉痕涼月戀西山遮莫一聲清磬
敲破松關

齊天樂

汪海樹湖之官練水錢叔美杜爲作倉山話別圖題此贈別

幾年占得名山住
英英白雲堆裏借榻延蟾梳首款鶴
消受更番吟醉闌紅十二儘圍著斜陽柳深花媚萬綠
依依晚峯癡暈一奩翠
無端催散萍梗時屬卹入都調選余亦將
之吳最難禁畫出離別情味酒袂香消詞箋墨瘦涼到
雙湖煙水飛花滿地怪春不畱人也將行矣夢逐江聲
候潮移舵尾

菩薩蠻

煙蟾隱隱織蛾鬪瓊袖了穿鍼手薄換越羅衫何曾
怯嫩寒吹簫人去遠繡被連牀卷猶是泥心腸爲他
熏異香

程

字水南
淮安人

張仲甫云程水南先生屢見於頌伽詩文集
中而皆未著其名字履貫注已山刻水南遺
集頌伽作序并不著集名此闕靈芬館詩話
所采

洞仙歌 早起

晨光乍啟閃霞紅成片海底飛鳥影先見最關情此際
一霎清華拋不迭翠被餘溫香淺問檀郎何事輕犯
朝寒盡把疎窗繡簾卷雪樣有新霜又被風來全不管

冷侵人面待日上三竿有何妨好挽起鬢雲溶溶庭院

國朝詞綜續編卷四終

錢塘宗景藩子城校葉

國朝詞綜續編卷五

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

汪世泰 三首

車持謙 一首

邵廣銓 六首

汪度 二首

彭兆蓀 二首

龍光斗 一首

史錫賢 一首

陳咸慶 二首

孔昭虔 五首

葉紹本 一首

李富孫 一首

謝學崇 二首

王慶瀾 二首

柴源 一首

崔景侃 一首

馮如璋 一首

嚴學淦 一首

舒夢蘭 二首

汪繼熊 一首

孫熙元 一首

鮑文遠 一首

胡敬 一首

汪全德 二首

諸嘉樂 一首

吳存楷 二首

葉以倌 二首

陳鴻墀 一首

許乃嘉 二首

周旭 一首

沈廷炤 一首

朱彭 一首

汪奏雲 一首

劉會恩 一首

吳錦燦 一首

劉嗣綰 二首

孫顯元 三首

孫家穀 一首

吳騫 一首

汪世泰

字紫珊六合人有碧梧山館詞一卷

浣溪紗 憶邗上舊遊

年
舊夢揚州最可憐
畫船艤處水如天
玉簫吹破綠楊煙
曾隔簾衣通燕語
爲彈淚雨溼箏絃
送春去也又今年

高陽臺

春風欲去絲雨濛塵偶惹小石梁漫歌此解傷春念遠情見乎詞

柳拂煙蓑花埋雨屐送春人倚橋闌
賸幾番風可憐換
卻輕寒榆錢滿苑飛蝴蝶買愁來不買春
還恁無端鏡

匣朝開瘦了春山 年時嫩約成閒事有合歡扇小空
畫乘鸞冷落琴絲淒涼欲向誰彈辛勤紅了江魚尾只
能傳兩字加餐望長干天樣迢迢曉損香蘭

玉蝴蝶

一穗釭花搖影可憐時候又是新秋閒了半牀冰簟誰
伴蘭幃下鶯簾自溫燕夢尋魚鑰欲鎖蛩愁恁綢繆迷
濛隱事都上心頭 江樓送他歸去畫帆搖曳風輕波
柔未知今夜繫纜何處霜洲望吳山幾重寒碧問滄海
可有迴流不如休鏡裏紅顏肯爲人留

車持謙

字秋船號子
尊上元人

摸魚子

別馬仲威

一聲聲戍樓畫角吹來多少離緒涼蟾半露迷濛影今夜照人何處君且住看漁火零星紅出江楓樹萍蹤無據向雲水光中蕭蕭槭槭爪印認前度客歲送春卿兄赴半城亦泊此地連宵聚三五酒龍詩虎勝情跌宕如許爲誰欲跨揚州鶴又費醴陵詞賦君且去博十萬腰纏慰我窮愁侶帆開瓜步數明日郵程驚心南望鍾阜隔層霧

邵廣銓

字蘭風

八聲甘州

秋海棠

悵華清舊夢杳難尋一枝逗秋痕是愁腸曲曲愁心點點結就愁根耐得香寒翠減便算十分春照取珊珊影涼月侵門還憶雨零鈴夜傍碧闌十二細與殷勤恰

卷簾人瘦相對縮嬌雲又西風一般顛顛臙冷蠶酸語
到黃昏誰知我搵殘紅淚滴向清尊

菩薩蠻

鏡湖記得春風好蘭橈泊向西陵道香霧繞羅衣雙雙
蝴蝶飛楊絲千萬縷不縮韶華住忍見綠波斜迴環
蘇小家

又

廿年斷夢飛鴻杳蘭成蕭瑟關河老一度一思量愁波
江水長紅牙重按拍碧月傷心色瘦影怯秋芙蓉露寒
金鷓鴣

又

珠簾不放愁雲展相思轉悔長相見彈盡十三絃哀絃
怨綺年 前塵遮碧落一樣傷飄泊羅袖淚痕斑江南
千疊山

南浦

前約記分明倚屏山聽徹車鈴聲碎雪意正溟濛渾忘
了一角斜陽鴉背金猊香裊何因結就雙雙穗幕地湘
簾鉤細蔓還認玉釵輕墜 本來弱不禁寒出珠櫳定
怯酸風吹袂真箇不來時生憎殺昨夜鐙花銀蕊平生
細數淒涼幾度消清淚聽盡更籌斟盡酒獨自恁生成
醉

又

無計可消愁扣銅鋪重訪雲英瓊閣清夢繞梅花料應
許一笑巡檐同索曲闌行遍蒼苔清睡惟孤鶴前度鏡
紅攜手處遮卻重重簾幙年時取次尋芳悵東風一
霎別離成各密意似卿多也難道陌上絮飛無著聲悽
凍笛良宵直恁情寥落拚倚熏籠閒坐等無奈催人寒
析

汪

度

字白也號鄴樓上
元人有玉山堂詞

清平樂

水西亭側楊柳
所折悵然賦此

一株依依可憐候爲驚風

小亭紅轉春水斜陽岸一樹相思隨意遠記得眉痕深
淺嫩黃柔綠絲絲好春曾不多時何事東風吹驟小
蠻損了腰肢

高陽臺

馬仲威秋闈報罷龍江話別賦贈

宿霧沈波寒星抱月蘆花兩岸飄蕭醉不成歡分襟準
是明朝酒痕便說如前綠怪孤燈一寸紅銷影搖搖斷
雁聲來催夢無聊亂山堆裏秋如畫恁柴門輕敞借
問歸樵秋初棹原自廣陵歸彈指酸心離情又逐江潮
歡場爲爾更番數儘年年鳳泊鸞飄莫魂消江北江南
賴有今宵

彭兆蓀

字湘涵號甘亭鎮洋人太學生有小謨觴館詩餘

浣溪紗

雲鬢花鈿顫步搖采蘭時候蕩輕橈關心一帶小紅橋
飛雁傳書香宛宛驚鴻留影夢迢迢困人天氣可憐

宵

點絳脣

一徑蘼蕪絕無人處闌干亞重簾不挂漠漠落花惹

生愛閒行生怕閒亭榭消魂尔碧梧桐下殘月昏黃夜

龍光斗

字劍庵

清平樂

鶯嬌燕綺絮語東風裏一桁珠簾纔卷起滿院新紅鋪

地憑誰留住韶華停鍼倦倚窗紗只有多情明月夜

闌還映梨花

史錫賢

字海查
灤陽人

賀新涼

歸舟遇雨和馬仲威韻

紅墮燈檠雨擁黃綾寒雞膈膊喚誰起舞不分他鄉顛
顛慣問遍六朝三楚祇消受章郎筆嫵排日追歡歡苦
短又匆匆江上拏舟去身世感悟飄絮蔚藍天憶留
春聚炙鴛笙借雲款客延花結侶無恙青山橫北郭信
美奈非吾土恁空付茶經酒譜盃讀新詞香滿掬裊秋
心合伴行滕住訪清夢叩君戶

陳咸慶

字雲柏海鹽人嘉慶五年舉人官
睢甯縣知縣有紅蕉仙館詩餘

念奴嬌

拜鄉得古方鏡於廢壙中有天康年字填
詞索和次韻

江心鑄錯歎茫茫沈鎖照來千古結綺臨春仙子影除
是嫦娥堪數狎客朝酣瓊箋夜擘璧月無心主芳魂遙
殉祇應添汝坏土那更捧出秦淮雷塘西去香草年

年腐一樣妝臺宮漏緩一樣土花凝雨怨殺東風吹殘
桃葉淚灑胭脂露蟾光暈溼琵琶哀咽誰訴

水調歌頭

守風燕子磯登眺作

飛燕悄無語江渡斷顛風怒潮吞噉磯渚醜酒浪花中
我欲吹將鐵笛卻怕江南江北驚浪拜魚龍拂袖且高
眇青嶂自排空鷺飛下水田遠綠雲濃茫茫六代天
塹到此也長通指顧金焦門戶彈壓龍蟠虎踞穩臥看
征篷日腳盪胸紫歸鳥墮煙鐘

孔昭虔

字元敬號荃溪曲阜人嘉慶六年進士官貴州布政使有繪聲琴雅詞

黃韻甫云方伯詞幽秀婉約塵障一空每誦一過如身在綠陰芳草間也

疎影

花影

誰描淡墨翦暖雲片片吹上窗榻空色涵香活脫玲瓏
一枝未許攀摘橫斜不礙尋芳路算夢蝶重來曾識恨
曲塘流水無情照老鏡中春色 依約離魂倩女曉鶯
喚未醒嬌重無力碎月香苔如此闌干底事看朱成碧
清陰只到西廂下誤幾度玉人消息又等閒籠霧和煙
卷入水晶簾額

湘春夜月

又斜陽數峯紅近黃昏可奈一片飛花春瘦已三分燕
子帶香歸去任撲簾狂絮不管殘春悵小橋曲水流紅
信杳愁到湔裙 天涯萬里今宵片月何處孤村聽徹
曉鶯應念我故園芳草曾憶王孫愁寬夢窄怪綠陰空

鎖鶯魂寄別恨倩東風一夜游絲亂蝶都化行雲

踏莎美人

江采蘋

奩鳳銷香鬢蟬凋翠樓東花共人顛頰疎英已過早春
時春在沈香亭北牡丹枝長信詞工玉階怨古豈無

人解相如賦君王枉自費恩波一斛珍珠那抵淚珠多

長亭怨慢

延平署中有修竹館小具幽勝自壬午暮春到官日日坐臥其中甲申二月量移臺海行當別去撫循花竹不禁惘然爲賦此解

記吹絮飛花時候乍凭闌干綠天清畫兩載句留鷗沙
鴻雪又回首花時人去春似惜花枝瘦立盡玉千竿只
涼翠雙攜襟袖知否聽明朝津鼓一派亂灘風吼重
回望眼更珍重今宵樽酒算片月猶送輕帆也分到新

陰花柳剩燕子歸來惆悵風簾依舊

暗香 花夢

倦紅酣碧正錦旛護穩嬌春無力倩影一簾葉底流鶯
總岑寂何處愁春未醒都不管東風消息趁淡月香到
池塘眠柳定相識蹤跡片雲隔料徑遠夜深睡蝶難
覓斷魂自惜芳約羅浮幾回憶吹度鐙窗有信曾豔入
青蓮吟筆漏乍定憑喚起小樓怨笛

葉紹本

字仁甫號筠潭歸安
嘉慶六年進士

高陽臺

潞河秋思

天抹微青水皺細黛西風作意涼侵嫋嫋層波白鷗夢
墮湖陰一年好景從頭數乍膏騰已到秋深最關情幾

疊清笳萬戶疎砧 蒼茫難認長隄樹 只鬢影瘦影淒
瑟空林霜冷烏篷月珠搖蕩波心滄江滿目催詩思怕
詩成清怨難任聽寒潮淺泊沙頭又轉煙潯

百字令

花影和小蘇潭韻

襜褕萬朵乍晴光照曜媽紅深處幻出整斜疎密樣掩
映溪亭江步風過微搖月明有暈丰韻雕闌午紗窗暗
上墨痕疑沁金縷 最是枝颭西廊玉人行去淡拂湘
裙素隔著重簾渾不辨訝道花光似霧倩女魂香巫山
夢悄莫訝相尋誤鏡中同看芳姿原似前度

李富孫

字薌沚嘉興人嘉慶六年拔貢生

玉漏遲

題湯德媛女士寒閨病趣圖

瑣窗寒正峭西風幾翫怯臨清曉玉鏡臺邊半臂最宜
添早翠羽驚回夢遠更懶把雙蛾濃掃梳洗了畫屏倚
倦鎮垂簾悄最憐病枕難拋似中酒年時傷秋懷抱
強和簫聲催雪譜成雙調檢點茶鑪藥碗儘一炷心香
煙裊還自笑瘦比苑梅多少

謝學崇

字仲蘭號椒石南康人嘉慶七年進士授
編修歷官開歸陳許道有小蘇潭詞六卷

水龍吟

秋草

平原一霎西風等閒吹上蘼蕪早飄零倦蝶淒涼暗蟀
紅心易老三徑斜陽半泓寒碧更無人到又添來幾點
殘花墜葉煙痕外愁難掃記得蘭州春曉趁鈿車馬
蹶聲杳文通別去惠連夢醒恁時懷抱轉眼飛蓬一聲

曉鳩銷凝多少剩芳魂再世流螢熠熠但空簾撓

長亭怨慢

秋柳

漸搖落江潭如許弄影蕭蕭亂鴉無數揀盡寒枝幾番
消受暗煙雨繫船津鼓渾不記旗亭路翻似借西風爲
翦斷愁絲千縷凝伫向斜陽逝水誰認舊時飛絮哀
蟬更苦和玉笛一聲何處料此際望遠登樓尙依約雙
蛾偷聚已瘦損腰肢羞對重來張緒

王慶瀾

字安之夷門人有枕霞詞鏡虛詞集睫詞共四卷

相見歡

二首用李後主韻

窗紗褪盡輕紅忒匆匆不管楊花無力嫁東風
緘情
淚難謀醉意重重生恐流鶯還在畫樓東

誤人簾幙當樓下金鉤猜道暮春天氣不如秋
斷楊絲亂總添愁最是夢回時節怕梳頭
鑪煙

虞美人

有懷集古詞句

馬嘶人語東風岸觸目愁腸斷回頭煙柳漸重重自是
人生長恨水長東亂紅飛過秋千去宛轉留春語問
君能有幾多愁別是一般滋味在心頭

柴

源

字自昆桐鄉人有
桐陰草堂詞一卷

瑤華

題桃花舊雨圖爲仇又村作

東風吹遍絳萼初開記那人顏色仙源曾到赤闌橋一
縷夢魂猶識彩雲易散算往事都成陳迹剩水晶枕上
脂痕琥珀杯邊香澤
鈿車又駐湖西記一片紅雪遞

來消息春光爛漫同短榻重聽曉窗檐滴桃根桃葉料
未許名登仙籍但流連露井穠華點染生綃水墨

崔景侃

字瘦生武進人
候選府經歷

梁晉竹曰昔有崔黃葉王桐花之弟子也近
崔曼亭觀察次子瘦生紅葉詞洪稚存太史
呼爲崔紅葉可與陳簾鉤鮑夕陽同傳

如夢令

紅葉

爲愛吳江晚景渡口斜陽相映點水似桃花無數游魚
暖影風定風定一樣落紅堆徑

馮如璋

字秋君德清人嘉慶九年舉
人有秋君遺稿附詞一卷

踏莎行

聞蟬

離落陰邊郵墟斷處數枝倚水無情樹可憐薄暮欲何

依一聲聲喚斜陽住 吸雨餐霞談風說露綠榆門巷
思前度行人去去不堪愁江南七月吳門路

嚴學滄

字麗生丹徒人嘉慶九年舉人官武岡州知州

摸魚子

寄題范白舫茗溪漁隱詞

翦青衣綃痕半幅有人閒寫琴趣少我頂上雛雲綠是
我垂髫伴侶箋荔譜憶膚褪中單側豔攜蠻女划船六
柱認消夏灣頭鷺鷥雪色涼蘸水雲去 天涯誤應問
西湖西子黃金此錯誰鑄軟揉菴畫溪邊水好箇松陵
煙浦移雁牖倩霄竹孤吹響答菱花語新詞記取有玉
笛樓中銅溝殿角選就六朝句

舒夢蘭

字白香靖安人有天香戲稿

南鄉子

常山舟中

終夕爲君愁，愁到天明也便休。貪看梳頭忘早睡，嬌羞滿鏡芙蓉，一笑秋。五日到衢州，風雨多情阻客舟。聞說順風翻墮淚，難留浙水，緣何不倒流。

摸魚子

惜別

記來時野梅方笑，疎香林下。尋我鴉翎未整，楊枝弱，簾底玉搔應墮。剛病可寄一紙新詩，字字渠能和。偏教悶坐看燕子飛飛，桃花片片春恨兩眉鎖。嗚夷舸且漫停橈，轉舵煙波清興難。果蕉衫透溼，懷人淚似向雨中行。過猜不破，回首處雙鬢耳語嬌，無那歸帆，裊娜任一水聰明。千山惆悵，終日抱愁臥。

減字木蘭花

題定娜殘扇

癡魂怨魄六度秋風抱殘月
顛顛芳姿想見桃花落扇時
憐卿憶我爲寫閒情付漚舸
並寄羅巾好向他年索淚痕

汪繼熊

字芝亭嘉善人太學生有語花樓詞

臺城路

寒鴉

天邊墨點紛無數
蕭蕭暮天風裏冷踏殘雲
乾樓古樹畫出江村愁意
荒寒萬里剩一綫斜陽
暖烘雙翅閃閃林梢遊人
休認酒旗字依稀鬢影
可擬訝飛來成陣無數
椎髻破曉颺煙衝寒
呪雪暗老西風身世
荒陂凍水只片月蒼茫
照伊棲止醒枕休聽帶
寒聲去矣

孫熙元

字致雍號邵庵仁和人嘉慶九年舉人官國子監博士

疏影

題汪小米松聲池館勸書圖

風濤破寂正半林冷翠吹近簾隙
几安排簡點牙籤
珠璣笙典堆積琅嬛勝地神仙福
況世業青箱遺澤趁
小庭晝永如年坐擁百城還得
何日雙燃椽燭雪中
冶思在紅袖和墨此際蕭閒小隱
巖阿雅稱研朱讀易
披圖彷彿書堂靜記鄴架曾窺
篇籍柰吾廬老盡龍鱗
悔卻半生虛擲

鮑文逵

字野雲丹徒人嘉慶九年舉人官海陽縣知縣

百字令

次韻和張仲甫

楝花風起送春歸難問重來時節
新燕忽銜餘恨至夢

裏聲聲喚徹蝶粉才濃鶯簧未老芳草何曾歇聽君絃
促頓教霜鬢飛雪 休悵韋曲花稀渭城柳折驢足
空絕道是勳名堪不朽非是勳名難必叔夜琴尊志和
煙水畢竟難磨滅及時行樂嶺雲不管今昔

胡

敬

字以莊號書農仁和人嘉慶十年進士歷官侍講學士

水龍吟

汪小米分貽張叔未所餉攜李

色香誇說離支東坡眼未西施見纖纖一掐纍纍千顆
爪痕都徧丁字溪頭語兒涇畔望中津曠喜故人分餉
數枚珍重纔著齒驚衣澗 眞箇花如人面載鴟夷五
湖歸便柔條初坼春泥猶帶舊根留戀天許張星種分
仙李此緣非淺想晨涼正值浣紗時候把風枝翦

汪全德

字修甫號竹素儀徵人嘉慶十年進士官吉南贛甯道有崇陸山房詞

唐多令

春水細紋生春雲綠未成趁東風第幾山程溪上碧桃
開又落曉不住舊時鶯來日是清明天涯節序更一
年年飛絮關情南國不歸春又晚逢社燕說飄零

探春慢

薄靄籠寒低雲破曉雨絲吹上簾額迎社榆錢定巢燕
子長記江南此日無那人鮓額儘閒殺吟箋賦筆倦游
懶起看花風情惆悵非昔殘睡流鶯喚醒剛報道禁
煙時候岑寂砌粉懷香濺蘭被夢付與天涯悽惻紅板
橋邊路問繫馬當年舊宅春水無言照人愁鬢先白

諸嘉樂

字令之號秋士仁和人嘉慶十年進士官泰興縣知縣

百字令

哭吳子律教授

連朝夢惡忽罡風吹墮斗間光
氣卮瀝未乾英彩逝鳴咽
落花風裏目斷江雲心酸薤露搏控真無計
誦君遺製曲闌惆悵憑倚
君旣放下牢愁來餐苜蓿窺破升
沈意辛苦營巢樓甫定詎料玉棺先遞病
本模糊官尤潦草天直利君戲問誰長在
昔詞君可能記

吳存楷

字端父號曼雲錢塘人嘉慶十年進士官當塗縣知縣

菩薩蠻

纈衣簾軟東風緊
複衾吹皺鴛鴦影
遠夢落春江
鎊花昨夜雙相思
花上鳥嘯破梨雲
曉小妹看梳頭
難藏

滿鏡愁

浪淘沙

讀南唐後主詞戲作

重按舊紅牙人隔天涯斷腸流水送飛花不似何羅裙
子上金屑琵琶 煙散玉鉤斜曉樹號鴉已催青鬢染
霜華多謝秦淮三月水載夢還家

葉以信

字雨榭錢塘人嘉慶十年進士官廣西潯州府知府有洗心書屋詩餘

釵頭鳳

閩中女兒以筆管吸皂莢水吹五色泡爲戲詠之

春歸悶眠難穩閒來吹箇團團暈虛空界圓光藹窗邊
纔過又飛簾外快快快 朱唇吮香泉潤笑拈湘管郎
扇噴風前擺兒曹待明珠無數霎時何在再再再

一翦梅

盧溝道中

城角拖雲淡不收天作新秋人作新愁一官了我十年
游來也盧溝去也盧溝晚店琵琶撥不休曲似涼州
淚似江州長空瑟瑟思悠悠月挂眉頭人挂心頭

陳鴻輝

字範川號小麥嘉善人
嘉慶十年進士官翰林

摸魚子

題珠湖漁隱圖

怪江湖浮家泛宅吾師青鬢如許扁舟一棹人何在三
十六陂煙雨君且住看小宋才名珂馬朝天去輓紅塵
土恐甓社波涼嘯臺響寂風月便無主琅嬛館玉軸
牙籤無數輕舸兼可攜取漁經漁具天隨子笠澤叢殘
同譜添一語願盡借藏書載入春潮艣煙波深處算射
鴨光陰賣魚生計讓我儘容與

許乃嘉

字頌年仁和人諸生有琴詔軒詩餘一卷

滿庭芳

贈別劉大芙初

衰草縈青暮雲慘白極目已是殘秋遠天如墨寫得幾
歸舟人世可憐萍梗西冷水那只東流閒凝伫鷓鴣聲飛
處一雁下南樓悠悠記昨夜鑪煙茗串相對齋頭莫
忘了湖山寒到盟鷗但聽噓蜚淒切闌干外猶訴離愁
憑相約劉郎重到前度夢中遊

紅娘子

古翠軒夜坐

滿地松陰繞四壁蛩音悄讀畫疑仙敲棋破夢一絲琴
裊韻泠泠認是暮山泉借行雲流到林際秋聲老牆
角清光早簾捲隨風闌憑待月暝愁多少怕蕭蕭落葉

滿空庭又昏鴉噉了

周

旭

字莫如吳縣人
有雙雪修桐譜

蕙蘭芳引

宣城道中

煙樹晚晴有千點亂鴉催暝漸月放明眉來寫半江清
影暮程倦旅盼不到故園三徑早雁聲別浦引得秋人
秋病料是今宵鸞釵私卜幾度難準怕風峭衣涼還
上畫樓露凭膏騰前約那堪重省歸便休已負五湖煙
艇

沈廷炤

字鏡卿號芷橋
吳縣人諸生

南柯子

鏡影波平帖生香路細通踏花心軟斂春弓偃定靡蕪

小徑蹴殘紅。裾颺時飄。蜨鬢傾數避。蠶神光難定。是
驚鴻。又被柳絲扶入綠煙中。

朱

彭

字亦篔。號青湖錢塘人。貢生有湖船簫譜詞。

百字令

曉過長橋荷風扇涼清芬襲人遙望煙村頗羨湖居之樂作此寄興

樓鞦桐帽向湖灣。散步蔚藍天。朗舊有濂溪祠宇在門
外。芙蓉正放千柄搖風。魚驚燕避。翠蓋圓珠盪披襟散
帶水邊容我蕭爽。隔浦網戶漁村綠楊影裏有煙蓑
來往如此幽居。良不惡。忽動水天陽。想放鳴莎汀撈蝦
荻渚合作西湖。長移家何日。撇波柔艸。遙響。

汪奏雲

字今韓金山人貢生

蜨戀花

暮春

江上還尋芳草路綠水紅橋多是曾遊處深院沈沈人不語枝頭漸見飄香絮開罷牡丹無意緒縱有垂楊難縮愁千縷燕子不歸春已去重門聽盡瀟瀟雨

劉會思

字時庵號又綸丹陽人嘉慶十二年副貢生有曲阿山房詞稿

浣溪紗

懷友

樓倚長溪遠遠斜布帆飄處想歸槎又看秋水動蒹葭
一抹愁煙偏挂柳半窗情月慣銜花憶君真切勝思家

吳錦燦

號雲襄丹陽人

虞美人

秋夜卽事

閒窗小坐秋宵永漫管西風冷一鐙含燄漏將沈尙有

國朝詞綜續編卷五

七

聲聲蛩語絮牆陰 無聊忽憶黃花酒爲近題餽候沒
多幾日便重陽不識籬邊叢菊可生香

劉嗣綰

字醕甫號芙初陽湖人嘉慶十三年會元官編修有箏船詞

黃韻甫云太史以相門子續學能文早歲落拓不偶及入木天官亦不顯然著述宏富自足名世詞亦幽雋絕塵不涉凡豔

高陽臺

夢尾鐙紅情邊水綠斷腸又是蘭舟消幾帆風離人吹
下西洲春波依舊鴛鴦路甚孤眠占斷閒鷗漫回頭翠
被天涯冷了香篝 消魂不是長亭怨是深盟玉鏡款
語瓊鉤小疊吟箋匆匆著得多愁闌干膩雨還應在怕
朝來梨苑成秋等閒休團扇圓時何處秦樓

清平樂

舟宿水仙墩

燈涼如畫繫纜叢祠下水佩風裳魂欲化碧月迢迢殘
夜曉來零落明璫鏡中生怕思量手把一絲煙柳不
知秋恨多長

孫顯元

字花海仁和人諸生
有異撰齋詩詞稿

張仲甫云花海吾老友也朴率幽雋工詩詞
精鑒賞所居碧山樓占園亭之勝吟嘯其中
歿後十餘年來故廬及所蓄圖書盡棄散所
著詩詞全稿亦未見予僅於其女公子處得
見隨筆牘稿亟錄數首吳仲雲杭郡詩續
輯云花海與弟邵庵熙元薄浮榮樂恬靜花
海尤精鑒別蓄書畫甚富煙雲供養妙悟遂

綺羅香

春寒

斐几偎香銀屏帶酒惻惻東風如許不定陰晴欲訂冶

遊遣阻釀花心漸露嬌愁窺柳意似含淒楚想蘭閨怯
試新妝黛眉常斂恁情緒 年年韶景逝水猶記園林
晝煖輕衫延伫恁奈而今寂寞燕簾鶯戶最愁他將息
都難更忍說天涯羈旅鎮愀愀深擁香衾畫樓今夜雨

水龍吟

碧紗櫺

花紋榻子玲瓏裝成面面冰綃砌有闌常掩纖塵隔斷
空明無罅遠襯桐陰低侵竹影綠煙如畫愛堂深畫水
疎風暗逗渾不許飛蟲惹 最好幽人消夏占清涼壺
天可借琴床硯几安排楚楚儘容瀟灑屏展琉璃簾垂
翡翠從今都舍待宵來坐看中央四角月盈盈射

減字木蘭花

清明日湖上卽事

紅樓小小日滿窗紗勻面了催上蘭舟薄鬢春衫約共
遊落花風軟花外游絲吹不轉隄柳籠煙畫出清明
雨後天

孫家穀

字曜升一字幼蓮
士官襄陵縣知縣有種玉詞一卷

進

姚野橋曰吾郡近世詞學推周小厓先生世
緒暨先生一時有雙南金之目小厓著有壽
蓀館詞才氣肆逸出入東坡稼軒兩家先生
之詞情婉意約的宗秦柳其穠麗俊雅處又
與夢窗西麓爲近

酷相思

惜別

聽得幾聲留客住又幾日廉纖雨任丁屬東風難作

去

主人覩著花無語花覩著人無語楊柳絲絲煙幾許

兀自戀微微絮有多少閒愁無著處分一半卿將去留

一半儂將去

吳

騫

字槎客號兔牀山人海寧人貢生有萬花漁唱詞

定風波

湖上

一片濃雲罨碧流萬家紅雨帶煙收野鳥曉殘蘇小墓
如訴勸君何不少年游獨凭危闌空憶舊知否衣香
人影望湖樓柳絮渾忘身似夢風送等閒飛上玉搔頭

國朝詞綜續編卷五終

錢塘宗景藩子城校隸